



## Sonnenblumen-Gedanken im Friedhof

### Beitrag

#### Lebenskreislauf

*Letzte Wocha bin i auf oana Beerdigung gwen.  
Do hob i a grouße Sonnabluma gsehgn.  
Wenn ma s' genau oschaugn tuat,  
erkennt ma an Lebenslauf guat:*

*Da (Familien-) Stamm wachst aus a'm Grob heraus,  
So schaugts in unsam Lebn aa meistn's aus:*

*Rechts hängan oite, sterbade Köpf am Stamm,  
de si mit eahnane Kerndl vielleicht fortpflanzt habn.*

*Bei de untan Blütn siehgt ma an Nachwuchs kemma.  
So tuat unsa Lebn aa meistens beginna.*

*Weit obn siehgt ma de, de auferstandn san,  
und grod zum Himme nauf wachsn tan.*

*Ma solltat bei oana Beerdigung eha an d'Auferstehung denka,  
ois de Köpf weit obi hänga.*

*'s Woana ghört dazua, es tuat entspanna.  
Do irgendwann muaß's wieda glanga.  
Unsane Liabstn im Grob teana nix davo hobn.  
Eahna is's liaba, wenn ma uns de Tränen sparn.*

*Bei da Sonnabluma könn ma's nacht's Jahr sehgn,  
wia's wieda an Nachwuchs tuat gebn.  
Des Lebn tuat oiwei weita geh.  
Is des net schee!*

**Gedicht und Foto:** Marga Weingartner



**Jubiläumskonzert  
1100 Jahre Prutting**

**BLASORCHESTER  
DER MÜNCHNER  
PHILHARMONIKER**

Unter der Leitung von Albert Osterhammer  
Moderation Traudi Siferlinger

Am Samstag,  
den 27.07.2024  
Einlass ab  
17:30 Uhr

Karten: [www.prutting.de/kartenverkauf](http://www.prutting.de/kartenverkauf)

### Kategorie

1. Natur & Umwelt

### Schlagworte

1. Friedhof
2. Gedicht
3. Sonnenblume